

中国古典名著

华阳国志



北方妇女儿童出版社

中国古典名著

②①

主 编 齐豫生 夏于全

华阳国志

北方妇女儿童出版社

图书在版编目(CIP)数据

中国古典名著/齐豫生,夏于全主编。—长春:北方妇女儿童出版社,2006.3

ISBN 7-5385-0392-7

I.中... II.齐,夏 III.古典名著-中国 IV.I242.4

中国版本图书馆 CIP 数据核字(2006)第 021887

中国古典名著

齐豫生 夏于全 主编

北方妇女儿童出版社出版发行
北京海德印务有限公司印刷

开本:850×1168mm 1/32 字数:5000 千字

印张:400 2006年3月第1版第2次印刷

印数:2000 套

ISBN 7-5385-0392-7/I·405

定价:1280.00 元(全 60 册)

目 录

卷一	巴志	(1)
卷二	汉中志	(10)
卷三	蜀志	(18)
卷四	南中志	(30)
卷五	公孙述刘二牧志	(43)
卷六	刘先主志	(49)
卷七	刘后主志	(58)
卷八	大同志	(69)
卷九	李特雄寿势志	(81)
卷十	先贤士女总赞	(88)
卷十一	后贤志	(123)
卷十二	序志	(139)

卷 一

巴 志

昔在唐尧，洪水滔天，鲧功无成，圣禹嗣兴。导江疏河，百川蠲修，封殖天下，因古九圉以置九州，仰禀参伐俯壤华阳，黑水江汉为梁州，厥土青黎，厥田惟下上，厥赋惟下中，厥贡璆铁银镂砮磬熊黑狐狸织皮。于是四奥既宅，九州攸同，六府孔修，庶土交正。底脊财赋，成贡中国，盖时雍之化，东被西渐矣。历夏殷周，九州牧伯率职，周文为伯，西有九国。及武王克商，并徐合青，省梁合雍。而职方氏犹掌其地，辨其土壤，甄其宝利，起于秦帝，汉兴，高祖藉之成业。乃改雍曰凉，革梁曰益，故巴汉庸蜀属益州。至魏成熙元年平蜀，始分益州巴汉七郡置梁州，治汉中，以相国参军中山耿飏为刺史。元康六年广汉益州，更割雍州之武都阴平，荆州之新城上庸魏兴以属焉。凡统郡一十一，县五十八。《洛书》曰：人皇始出，继地皇之后。兄弟九人，分理九州，为九圉，人皇居中州，制八辅。华阳之壤，梁岷之域，是其一圉。圉中之国，则巴蜀矣。其分野与鬼东井，其君上世未闻，五帝以来，黄帝高阳之支庶，世为侯伯。及禹治水命州，巴蜀以属梁州。禹娶于涂山，辛壬癸甲而去，生子启呱呱啼不及视，三过其门而不入室。务在救时，今江州涂山是也，帝禹之庙铭存焉。会诸侯于会稽，执玉帛者万国，巴蜀往焉。周武王伐纣，实得巴蜀之师，著乎尚书。巴师勇锐，歌舞以凌，殷人倒戈，故世称之为“武王伐纣，前歌后舞”也。武王既克殷，以其宗姬于巴爵之以子，古者远国虽大，爵不过子，故吴楚及巴皆曰子。其地东至鱼复，西至樊道，北接汉中，南极黔涪。上植五谷，牲具六畜，桑蚕、

麻纁、鱼盐、铜铁、丹漆、茶蜜、灵龟、巨犀、山鸡、白雉、黄润鲜粉，皆纳贡之。其果实之珍者，树有荔枝，蔓有辛药，园有芳蒻、香茗，给客橙葵，其药物之异者，有巴戟、天椒。竹木之殒者，有桃支、灵寿，其名山有涂籍灵台石书邛。其民质直好义，土风敦厚，有先民之流。故其诗曰：“川崖惟平，其稼多黍，旨酒嘉谷，可以养父，野惟阜丘，彼稷多有，嘉谷旨酒，可以养母”。其祭祀之诗曰：“惟月孟春，獭祭彼崖、永言孝思，享祀孔嘉。彼黍既洁，彼仪惟泽，蒸命良辰，祖考来格。”其好古乐道之诗曰：“日月明明，亦惟其名，谁能长生，不朽难获。”又曰：“惟德实宝富贵何常，我思古人。令问令望。”而其失在于重迟鲁钝，俗素朴，无造次辨丽之气，其属有濮窳直共奴獯夷蛮之蛮。周之仲世，虽奉王职，与秦楚邓为比。春秋鲁桓公九年，巴子使韩服告楚，请与邓为好。楚子使道朔将巴客聘邓，邓南鄙攻而夺其币，巴子怒，伐邓败之。其后巴师楚师伐申，楚子惊巴师，鲁庄十八年，巴伐楚克之。鲁文公十六年，巴与秦楚共灭庸。哀公十八年，巴人伐楚败于鄢。是后楚主夏盟，秦擅西土，巴国分远，故于盟会希。战国时尝与楚婚，及七国称王，巴亦称王。周之季世，巴国有乱，将军蔓子，请师于楚，许以三城。楚王救巴，巴国既宁，楚使请城，蔓子曰：“藉楚之灵，克弭祸难，诚许楚王城，将吾头往谢之，城不可得也。”乃自刎以头授楚使。王叹曰：“使吾得臣若巴蔓子，用城何为。”乃以上卿礼葬其头，巴国葬其身，亦以上卿礼。周显王时楚国衰弱，秦惠文王与巴蜀为好，蜀王弟苴，私亲于巴，巴蜀世战争。周慎王五年，蜀王伐苴侯，苴侯奔巴，巴为求救于秦。秦惠文王遣张仪司马错救苴，巴遂伐蜀灭之。仪贪巴道之富，因取巴执王以归，置巴蜀及汉中郡分其地为一县。仪城江州，司马错自巴涪水，取楚商于之地，为黔中郡。秦昭襄王时，白虎为害，自秦蜀巴汉患之，秦王乃重募国中有能杀虎者，邑万家，金帛称之。于是夷胸忍廖仲药、何射虎、秦精等，乃作白竹弩于高楼上射虎中头三节，白虎常从群虎瞋恚，尽搏杀群虎，大响而死。秦王嘉之，曰：“虎历四郡害千二百人，一朝患除，功莫大焉。欲如要，王嫌其

夷人，乃刻石为盟，要复夷人，顷田不租，十妻不筭，伤人者论，杀人者雇死偿钱。”盟曰：“秦犯夷，输黄龙一双；夷犯秦，输清酒一钟。夷人安之，汉兴。亦从高祖定秦有功，高祖因复之，专以射白虎为事。户岁出钱口四十，故世号白虎复夷。一曰板楯蛮。今所谓强头虎子者也。汉高帝灭秦为汉王，王巴蜀。阆中人范目有恩信方略，知帝必定天下，说帝为募发贫民，要与共定秦。秦地既定，封目为长安建章乡侯，帝将讨关东，贫民皆思归，帝嘉其功而难伤其意，遂听还巴，谓目曰：“富贵不归故乡，如衣绣夜行耳，徙封阆中慈乡侯。”目固辞，乃封渡沔县侯。故世谓三秦亡范三侯也。目复除民罗、朴、咎、鄂、度、夕、龚七姓、不供租赋。阆中有渝水，贫民多居水左右，天性劲勇，初为汉前锋，陷阵。锐气喜舞，帝善之曰：“此武王伐纣之歌也。”乃令乐人习学之。今所谓巴渝舞也。天下既定，高帝乃分巴，置广汉郡。孝武帝又两割置犍为郡。故世曰分巴割蜀，以成犍广也。自时厥后，五教雍和，秀茂挺逸，英伟既多，而风谣旁作，故朝廷有“忠贞尽节之臣，乡党有主文歌咏之音”。巴郡谯君黄，仁成哀之世，为谏议大夫，数进忠言，后违避王莽，又不事公孙述，述怒，遣使赍药酒以惧之。君黄笑曰：“吾不省药乎。”其子瑛，纳钱八百万得免，国人作诗曰：“肃肃清节士，执德实固贞。违恶以授命，没世遗令声。”巴郡陈纪山为汉司隶校尉，严明正直，西虏献眩玉庭试之，分公卿以为嬉，纪山独不视，京师称之，巴人歌曰：“筑室载直梁，国人以贞真。邪娱不扬目，枉行不动身，奸轨僻乎远，理义协乎民。”巴郡严王思为扬州刺史，惠爱在民，每当迁官，吏民塞路攀轂，诏遂留之。居官十八年卒。百姓若丧考妣，义送者赍钱百万，欲以贍王思家，其子徐州刺史不受。送吏义崇不忍持还，乃散以为食，行客。巴郡太守汝南应季先善而美之，乃作诗曰：“乘彼西汉，潭潭其渊。君子恺悌，作民二亲。没世遗爱，式镜后人。”汉安帝时，巴郡太守连失道，国人风之曰：“明明上天，下土是观，帝选元后，求定民安，孰可不念，祸福由人。愿君奉诏，惟德日亲。”永初中，广汉汉中羌反，虐及巴郡。有马妙祈妻义，王元愤妻姬，赵蔓君

妻华，夙丧夫，执恭姜之节，守一醺之礼，号曰“三贞”。遭乱兵迫匿，惧见拘辱，三人同时自沉于西汉水而没死，有黄鸟鸣其亡处徘徊焉。国人伤之，乃作诗曰：“关关黄鸟，爰集于树。窈窕淑女，是绣是黼，惟彼绣黼。其心匪石，嗟尔临川，邈不可获。”永建中，秦山吴资元约为郡守，屡获丰年。民歌之曰：“习习晨风动，澍雨润乎苗。我后恤时务，我民以优饶。”及资迁去，民人思慕。又曰：“望远忽不见，惆怅尝徘徊。恩泽实难忘。悠悠心永怀。”孝桓帝时，河南李盛仲和为郡守，贪财重赋，国人刺之，曰：“狗吠何咷咷，有吏来在门。披衣出门应，府记欲得钱。语穷乞请期，吏怒反见尤。旋步顾家中，家中无可与。思往从邻贷，邻人以言遗。钱钱何难得。令我独憔悴。”汉末政衰，牧守自擅，民人思治，作诗曰：“混混浊沼鱼，习习激清流。温温乱国民，业业仰有修。”其德操仁义文学政干。若洛下閔任文公、冯鸿卿、庞宣、孟元、文和、赵温柔、龚升侯、杨文义等，播名立事，言行表世者，不胜次载者也。孝安帝元初三年，凉州羌反。入汉中，杀太守董炳，扰动巴中，中郎将尹就讨之，不克，益州诸郡皆起兵御之。三府举广汉王堂，为巴郡太守，拨乱致治、进贤达士、贡孝子严永、隐士黄错、名儒陈髦、俊士张璠。皆至大位。益州刺史张乔表其尤异，徙右扶风，民为立祠。孝桓帝以并州刺史秦山但望字伯闾，为巴郡太守，勤恤民隐。郡文学掾宕渠赵芬，掾宏农冯允，垫江龚荣、王析、李温，临江严就、胡良、文恺，安汉陈禧，阆中黄闾，江州毋成，阳誉乔就、张绍、牟存、平直等，诣望自讼曰：“郡境广远，千里给吏。兼将人从，冬往夏还。夏单冬复，唯逾时之役，怀怨旷之思。其忧丧吉凶，不得相见。解缓补绽，下至薪菜之物，无不躬买于市。富者财得自供，贫者无以自久，是以清俭枉不闻。加以水陆艰难，山有猛兽。思迫期会，陨身江河，投死虎口。咨嗟之叹，历世所苦，天之应感。乃遭明府，欲为更新。童儿匹妇，欢喜相贺。将去远就近，释危蒙安。县无数十，民无远迹。恩加未生，泽及来世。巍巍之功，勒于金石。乞以文书，付计掾史。人鬼同符，必获嘉报。芬等幸甚，望深纳之郡户曹史枳。”白望曰：“芬等

前后百余人，历政讼诉，未蒙感寤。明府运机布政，稽当皇极。为
民庶请命救患，德合天地，泽润河海，开辟以来，今遇慈父，经曰：
‘奕奕梁山，惟禹甸之。有倬其道，韩侯受命。比隆等盛，于斯为
美。’永兴二年三月甲午，望上疏曰：“谨按《巴郡图经》，境界南北四
千，东西五千，周万余里，属县十四，盐铁五官，各有丞史，户四十六
万四千七百八十，口百八十七万五千五百三十五。远县去郡千二
百，至千五百里。乡亭去县或三四百，或及千里，土界遐远。令尉
不能穷诘奸凶，时有贼发。督邮追案，十日乃到，贼已远逃，踪迹绝
灭。罪录逮捕证验，文书诘讯，即从春至冬，不能究讫。绳宪未加，
或遇德令。是以贼盗公行，奸宄不绝。”荣等及陇西太守冯含，上谷
太守陈宏说：“往者至有劫阹中令杨殷终津侯姜昊，伤尉苏鸿，彭亭
侯孙鲁，雍亭侯陈已，殷侯乐普。又有女服贼千有余人，布散千里，
不即发觉，谋成乃诛。其水陆覆害，煞郡椽枳谢、盛塞威、张御、鱼
复令尹寻，主簿胡直，若此非一，给吏休谒。往还数千，闭囚须报，
或有弹劾，动便历年，吏坐逾科，恐失冬节，侵疑先死，如当移传，不
能待报。辄自刑戮，或长吏忿怒，冤枉弱民，欲赴诉郡官，每惮还
往。太守行桑农，不到四县，刺史行部，不到十县。郡治江州，时有
温风，遥县客吏，多有疾病，地势刚峻。皆重屋累居，数有火害，又
不相容。结舫水居，五百余家，承三江之会，夏水涨盛，坏散颠溺，
死者无数。而江州以东，滨江山险，其人半楚，姿态敦重。垫江以
西，土地平敞，精敏轻疾，上下殊俗，性情不同，敢欲分为二郡。一
治临江，一治安汉，各有桑麻、丹漆、布帛、鱼池、盐铁，足相供给。
两近京师，荣等自欲义出财帛，造立府寺，不费县官，得百姓欢心。
孝武以来，亦分吴蜀诸郡。圣德广被，民物滋繁，增置郡土，释民之
劳，诚圣主之盛业也。臣虽贪大郡，以自优暇，不忍小民颺颺蔽隔，
谨具以闻，朝议未许遂不分郡，分郡之议始于是矣哉。顺桓之世，
板楯数反，太守蜀郡赵温，恩信降服，于是宕渠出九穗之禾，胸忍有
连理之木。光和二年，板楯复叛，攻害三蜀汉中州郡，连年苦之。
天子欲大出军，时征役疲弊，问益州计曹，考以计略，益州计曹椽程

包对曰：“板楯七姓，以射白虎为业，立功先汉，本为义民，复除徭役。但出资钱。口岁四十，其人勇敢能战，昔羌数入汉中，郡县破坏，不绝若线。后得板楯来，虏弥尽号为神兵。羌人畏忌，传语种辈，勿复南行。后建宁二年，羌复入汉，牧守遑遑，复赖板楯破之，若微板楯则蜀汉之民为左衽矣。前车骑将军冯緄南征，虽授丹杨精兵，亦倚板楯。近益州之乱。朱龟以并凉劲卒讨之无功，太守李颺以板楯平之。忠功如此，本无恶心，长吏乡亭，更赋至重。仆役过于奴婢，捶楚隆于囚虏。至乃嫁妻卖子，或自刳割。陈冤州郡，牧守不理。去阙庭遥远，不能自闻，含怨呼天，叩心穷谷，愁于赋役，困乎刑酷，邑域相聚，以致叛戾。非有深谋至计，僭号不轨，但选明能牧守，益其资谷，安便赏募，从其利隙。自然安集，不烦征伐也。”昔中郎将尹就伐羌，扰动益部，百姓谚云：“虏来尚可，尹将杀我，就征还后，光自破退，如臣愚见，权之遣军，不如任之州郡。”天子从之，遣太守曹谦宣诏降赦。一朝清戢。”献帝初平元年，征东中郎将安汉赵颖建议，分巴为二郡。颖欲得巴旧名，故白：“益州牧刘璋，以垫江以上为巴郡，江南庞羲为太守治安汉，以江州至临江为永宁郡，胸忍至鱼复为固陵郡，巴遂分矣。”建安六年，鱼复蹇允白璋争巴名，璋乃改永宁为巴郡，以固陵为巴东，徙羲为巴西太守，是为三巴。于是涪陵谢本白璋，求以丹兴汉发二县为郡。初以为巴东属国，后遂为涪陵郡，分后属县七，户二万，去洛三千七百八十五里。东接胸忍，西接蒋县，南接涪陵，北接安汉、德阳。巴子时虽都江州，或治垫江，或治平都，后治阆中。其先王陵墓，多在枳，其畜牧在沮，今东突碇下畜沮是也。又立市于龟亭北岸，今新市里是也。其郡东枳有明月碇、广德屿，故巴亦有三碇。巴楚数相攻伐，故置扞关、阳关及沔关。汉世郡治江州，巴水北有柑橘宫，今北府城是也。后乃还南城刘先主初以江夏费瓘为太守，领江州都督，后都护李严更城大城，周回十六里。欲穿城后山，自汶江通水入巴江，使城为州。求以五都置巴州，丞相诸葛亮不许。亮将北征，召严汉中，故穿山不逮，然造苍龙白虎门。别郡县仓皆有城严子农代

为都督，农解后，梓汉李福为都督。延熙中，车骑将军邓艾为都督，治阳关。十七年，省平都乐城常安。咸熙元年，但四县，以镇西参军陇西怡思和为太守二部守军。

江州县，郡治涂山有禹王祠，及涂后祠北水有铭书词云：“汉初犍为张君为太守，忽得仙道，从此升渡，今民曰“张府君祠”。县下有清水穴，巴人以此水为粉，则膏晖鲜芳，贡粉京师，因名“粉水”，故世谓江州堕休粉也。有荔枝园，至熟二千石，常设厨膳。命士大夫共会树下食之。县北有稻田出御朱，陂池出蒲弱蔺席。其冠族有波、松、母、谢、然、愷、杨、白、上官、程、常、世有大官也。

枳县，郡东四百里治涪陵，水会，土地确瘠，时多人士，有章、常、连、黎、牟、杨郡冠首也。

临江县，枳东西百里接胸臆，有盐官在监涂二溪。一郡所仰，其豪门亦家有盐井。

又严甘文杨杜为大姓，晋初文立实作常伯纳言左右。杨宗符称武隆人，在吴为孙氏虎臣也。平都县，蜀延熙时省，大姓殷、吕、蔡氏。

垫江县，郡西北中水四百里，有桑蚕牛马。汉时龚荣以俊才为荆州刺史，后有龚扬、赵敏令德为巴郡太守，淳于长宁雅有美儿，黎、夏、杜，皆大姓也。

乐城县，在西州江三百里，延熙十七年省，常安县亦省。

巴东郡，先主人益州，改为江关都尉。建安二十一年以胸臆、鱼复、羊渠及宜都、巫、北井、六县为固陵郡，武陵康立为太守。章武元年，胸臆徐虑，鱼复蹇机，以失巴名，上表自讼，先主听复为巴东，南郡辅匡为太守。先主征吴，于夷道还，薨斯郡。以尚书令李严为都督，造设围戍。严还江州，征西将军汝南陈到为都督。到卒官，以征北大将军南阳宗预为都督，预还内领军，襄阳罗猷为代，蜀平，猷仍其任，拜凌江将军，领武陵太守。

泰始二年，吴大将步阐唐咨攻猷，猷保城，咨西侵至胸臆。故蜀尚书郎巴郡杨宗，告急于洛未还。猷出击阐，大破之，阐咨退，猷

迁监军假节安南将军，封西鄂侯，入朝加锡，御盖朝服。吴武陵太守孙恢寇南浦，安蛮护军杨宗讨之，退走，因表以宗为武陵太守。住南浦，诱恤武陵蛮夷，得三县初附民献卒，以犍为太守，天水杨攸为监军，攸迁凉州刺史。朝议以唐彬及宗为代，晋武帝问散骑常侍文立曰：“彬、宗孰可用？”立对曰：“彬、宗俱立事绩在西，不可失者。然宗才诚佳，有酒嗜，彬亦其人，性在财欲，惟陛下裁之。”帝曰：“财欲可足，酒嗜难改。”遂用彬为监军，加广武将军。迄吴平，巴东后省羊渠置南浦。晋太康初，将巫北井还建平，但五县，去洛二千五百里，东接建平，南接武陵，西接巴郡，北接房陵，奴獠夷蛮之蛮民。

鱼复县，郡治，公孙述更名白帝，章武二年，改曰永安。咸熙初复有橘官，又有泽水神，天旱鸣鼓于傍，即雨也。

胸忍县，西二百九十里，水道，有东阳下瞿数滩。山有大小石城，势灵寿木、盐井、灵龟。咸熙元年，献灵龟于相府，大姓扶先徐氏。汉时有扶徐、荆州、着石楚访，有强头、白虎复夷者也。

汉丰县，建安二十一年置，在郡西北彭溪源。

南浦县，郡南三百里，晋初置，主夷郡与楚接。人多劲勇，少文学，有将帅材。

涪陵郡，巴之南鄙，从枳南入折丹涪水。本与楚商于之地接，秦将司马错由之取楚，商于地为黔中郡也。汉后恒有都尉守之。旧属县五。去洛五千一百七十里。东接巴东，南接武陵，西接牂柯，北接巴郡。土地山险水滩，人多戇勇。多獠蛮之民。县邑阿党、斗讼必死。无蚕桑。少文学。惟出茶、丹漆、蜜蜡。汉时赤甲军常取其民，蜀丞相亮亦发其劲卒三千人，为连弩士，遂移汉中。延熙十三年，大姓徐巨反，车骑将军邓芝讨平之。见元援缘其山，芝性好弩，手自射援中之。援子拔其箭，卷木叶塞其创，芝叹曰：“嘻，吾伤物之性，其将死矣。”乃移其豪徐蔺谢范五千家于蜀，为猎射官，分羸弱配督将韩蒋，名为助郡军，遂世掌部曲，为大姓。晋初移弩士于冯翊莲勺，其人性质直，虽徙他所，风俗不变，故迄今有蜀汉关中涪陵，其为军在南方者犹存。山有大龟，其甲可卜，其缘可

作义，世号灵义。

涪陵县，郡治。

丹兴，蜀时省，山出名丹。

汉平县，延熙十三年置。

万宁县，孝灵帝时本名永宁。

汉发县，县有盐井，诸县北，有獯鬻。又有蟾夷也。

巴西郡，属县七，去洛二千八百一十五里，东接巴郡，南接梓潼，北接凉。西城土地，山原多平，有牛马，桑蚕。人自先汉以来，傀伟倜傥，冠冕三巴。及郡分后，叔布、荣始、周群父子、程公宏等，或学兼三才，或精秀奇逸。其次马盛衡承伯，才藻清妙。龚德绪兄弟、英气灿然。黄公衡应权通变。马德信、王子均、勾孝兴、张伯歧、建功立事。刘二主之世，称美荆楚，乃先汉以来，冯车骑、范镇南，皆植斯乡，故曰“巴有将，蜀有相”也。及晋，谯侯修文于前，陈君涣炳于后，并迁双固，倬群颖世，甄在传记，缙绅之徒，不胜次载焉。

阆中县，郡治，有彭池大泽名山灵台，见文纬书谶，大姓有三狐五马，蒲、赵、任、黄、严也。

南充国县，和帝时置，有盐井，大姓侯谯氏。

安汉县，号出人士，大姓陈、范、阎、赵。

平州县，其二县为郡。

宕渠郡，延熙中置，以广汉王士为太守，郡建九年省，永兴元年，李雄复置，今遂为郡。长老言宕渠盖为故资国，今有资城、卢城。秦始皇时，有长人二十五丈，见宕渠，秦史胡毋敬曰：是后五百年外，必有异人为大人者。及雄之王祖，世出自宕渠，有识者皆以为应之。先汉以来，士女贤贞、县民车骑将军冯緄、大司农元贺、大鸿胪庞雄、桂阳太守李温等，皆建功立事，有补于世。緄温各葬所在，常以三月二子之灵还乡里，水暴涨，郡县吏民，莫不于水上祭之，其列女节义在先贤志。

宕渠县，郡治，有铁官石蜜。山图所采也。

汉昌县,和帝时置,大姓勾氏。

宣汉县,今省。

右巴国,凡分为五郡,二十三县。

赞曰:巴国,远世则黄炎之支封,在周则宗姬之戚亲。故于春秋,班侔秦楚,示甸卫也。若蔓子之忠烈,范目之果毅,风悃俗厚,世挺名将,斯乃江汉之含灵,山岳之精爽乎,观其俗足以知其敦壹矣。昔沙麓崩,卜偃言其后当有圣女兴,元城郭公谓王翁孺属当其时。故有政君,李雄宕渠之厮伍,略阳之黔首耳。起自流隶。君获士民,其长人之魄,良有以也。

卷 二

汉中志

汉中郡,本附庸国属。周赧王二年,秦惠文王置郡,因水名也。汉有二源,东源出武都氐道漾山,因名漾,禹贡流漾为汉是也。西源出陇西嶓冢山,会白水经葭萌入汉,始源曰沔,故曰汉沔。在诗曰滔滔江汉,南国之纪,其应上昭于天。又曰:惟天有汉,其分野与巴蜀同占。其地东接南郡,南接广汉,西接陇西阴平,北接秦川,厥壤沃美,赋贡所出,略侔三蜀。六国时楚强盛,略有其地,后为秦恒成争地。汉高帝既克秦,获子婴。项羽封高帝为汉王,王巴蜀三十一县。帝不悦,丞相萧何谋曰:“虽王汉之恶,不犹愈于死乎。”且语曰:“天汉,其称甚美,夫能屈于一人之下,则伸于万乘之上者,汤武是也。愿大王王汉中,抚其民以致贤人,收用巴蜀还定三秦。天下可图也。”帝从之,都南郑。及项籍弑义帝,高帝东伐,萧何常居守汉中,足食足兵,既定三秦。萧何镇关中,资其众卒平天下,以田叔

为汉中守，属县十一，去洛一千九十一里。叔既馈以军饷，又致名材立宫室，帝嘉之，后为鲁相。然以帝业所兴，不封藩王。自叔之后，世修文教，有倜傥之士。异人并挺，邓公抗言于孝景之朝，以明忠枉之情。张骞特以蒙险远，为孝武帝开缘边之地，宾沙越之国，致大宛之马，入南海之象。而车渠、玛瑙、珊瑚、林碧、闾宝、明珠、玳瑁、虎魄、水精、琉璃、火浣之布，蒲桃之酒，筍竹茱萸，殊方奇玩盈于市朝。振扬威灵，被于幽裔，遂登九列，杖节绣衣，剖符博望。谷口子真，秉箕颍之操。湛然岳立，不营不求，德声迈流，杨王孙应至人之概。自建武以后，群儒修业，开按图纬。汉之宰相，当出坤乡，于是司徒李公，屡登七政，太傅子坚，奕世论道，其珪璋瑚琏之器，则陈伯台李季子申伯之徒。文秀玮灿，其州牧郡守，冠盖相继，于西州为盛，盖济济焉。莽时公孙述据蜀，跨有汉中，当秦陇之径，每罹于其害。安帝永初二年，阴平武都羌反，入汉中，杀太守董炳，没略吏民。四年羌复来，太守郑廙出屯褒中，欲与羌战。主簿段崇陈禅，以为但可坚守，来虏乘胜。其锋不可当，廙不从，战，败绩。崇与门下史王宗原展，及崇子勃、兄子伯生，力战捍廙，并命功曹程信素居守，驰来赴难。冒寇殒殒，虏遂大盛，天子乃拜巴郡陈禅为汉中太守，虏素惮禅，更来盘结。禅知攻守未可卒下，而年荒民困，乃矫诏赦之，大小咸服，既诛其乱首，天子善之，徙禅左冯翊。太守程信怨耻，乃结故吏冠盖子弟严孳、李容、姜济、陈已、曹廉、勾矩、刘旌等二十五人，誓志报羌，各募壮士，豫结同死以待寇。太守邓成命信为五官，孳等门下官属。元和二年，羌复来巴郡，板楯救之。信等将其士卒力奋讨，大破之。信被八创，二十五人战死。自是后羌不敢南向。五年，天子下诏褒叹信崇等赐其家谷各千斛，宗展孳等家谷各五百斛，列画东观。每新太守到，必先存问其家，以羌畏服陈禅，拜禅子澄汉中太守。汉末，沛国张陵，学道于蜀鹤鸣山，造作道书，自称太清元元，以惑百姓。陵死，子衡传其业，衡死，子鲁传其业。鲁字公祺，以鬼道见信于益州牧刘焉。鲁母有少容，往来焉家。初平中，以鲁为督义司马，住汉中，断谷道，鲁既至，行

宽惠。以鬼道教立义舍，置义朱义肉其中，行者取之，量腹而已，不得过。过多云鬼病之，其市肆贾平亦然，犯法者三原而后行刑。学道未信者，谓之鬼卒。后乃为祭酒，巴汉夷民多便之，其供通限出五斗米，故世谓之米道。扶风苏固为汉中太守，鲁遣其党张修攻固成。固人陈调素游侠，学兵法，固以为门下掾，说固守捍御寇之术，固不能用，箭墙走，投南郑赵嵩。嵩将俱逃，贼盛，固遣嵩求隐避处，嵩未还。固又令铃下侦贼，贼得铃下，遂得煞固。嵩痛愤，杖剑直入，调亦聚其宾客百余人，攻修，战死，鲁遂有汉中。数害汉使，焉上书言米贼断道。至刘焉子璋为牧时，鲁益骄恣，璋怒。建安五年，杀鲁母弟。鲁率巴夷杜濩朴胡袁约等，叛为仇敌，鲁时使使汉朝亦慢骄。帝室以乱不能征，就拜中郎将。汉宁太守，不置长吏，皆以祭酒为治民。璋数遣庞羲、李思等讨之，不能克。而巴夷日叛，乃以羲为巴西太守，又遣杨怀高沛守关头，请刘先主讨鲁。先主更袭取璋。二十年，魏武帝西征鲁。鲁走巴中，先主将迎之。而鲁功曹巴西阎圃说鲁，北降归魏武，赞以大事宜附托。不然，西结刘备以归之。鲁勃然曰：“宁为曹公作奴，不为刘备上客。”遂委质魏武。武帝拜鲁镇南将军，封襄平侯，又封其五子皆列侯。时先主东下江安，巴汉稽服，魏武以巴夷王杜濩、朴胡、袁约为三巴太守，留征西将军夏侯渊，及张郃、益州刺史赵颙等守汉中，迁其民于关陇。二十四年春，先主进军攻汉中，至定军，渊、郃、颙来战。大为先主所破，将军黄忠斩渊颙首。

魏武帝复西征先主，先主曰：“孟德虽来，无能为也。我必有汉川矣。”先主遂为汉中王，将还成都，当得重将以镇汉中。众皆以必张飞，张飞心亦自许。先主乃以牙门义阳魏延为镇远将军、汉中太守。先主大会群臣，问延曰：“今委卿以汉中，卿居之若何？”对曰：“若曹操举天下而来，请为大王拒之。若偏将十万而来，请为大王吞之。”众壮其言。初魏武之留渊郃也，以鸡肋示外，外人莫察，惟主簿杨修知之。故曰：“夫鸡肋，弃之如可惜，食之无所得，以比汉中也。”是后处蜀魏界，固险重守，自丞相大司马、大将军皆镇汉中。

蜀平，梁州治沔阳。太康中，晋武帝子汉王迪受封，更曰汉国郡。但六县。

南郑县，郡治。周贞王十六年，秦厉公城之。有池水从旱山来，入沔。大姓，李、程、赵公。

沔阳县，州治，有铁官，又有度水，水有二源，一曰清检，二曰浊检。有鱼穴，清水出鳊，浊水出鲂。常以二月八日取。蜀丞相诸葛亮，葬定军山。

褒中县，孝昭帝元凤六年置，本都尉治也，山名扶木，有唐公房祠也。

城固县，蜀时以沔阳为汉城，城固为乐城。

蒲池县。

西乡县。

魏兴郡，本汉中西城县，哀平之世。县民锡光字长冲，为交州刺史，徙交址太守。王莽篡位，拒郡不附，莽方有事海内，未以为意，寻值所在兵起，遂自守。更始即祚，正其本官，世祖嘉其忠节，征拜为大将军朝侯祭酒，封盐水侯。后汉中数寇乱，县土独存，汉季世别为郡。

建安二十四年，刘先主命宜都太守孟达，从秭归北伐房陵上庸。自汉中又遣副军中郎将刘封，乘沔水会达上庸，以申耽弟仪为建信将军，西城太守，达耽降魏。黄初二年，文帝转仪为魏兴太守，封郪乡侯。蜀平，遂治西城，属县六，户万。去洛一千七百里，土地险隘，其人半楚。风俗略与荆州沔中郡同。西城县郡治，元康元年，封越骑校尉蜀郡何攀为公国也。

锡县。

安康县。

兴晋县，晋置。

郪乡县，本名长利县。县有郪乡。

洵阳县，洵水所出。

上庸郡，故庸国，楚与巴秦所共灭者也。秦时属蜀，后属汉中。